

ԱՐԵՎԵԼՅԱՆ ԴՐԱՄՆԵՐԻ ԳԱՆՁԵՐԸ ԵՎ ՀԱՅԱՍՏԱՆԻ
ՏՆՏԵՍԱԿԱՆ ԿԱՊԵՐԻ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ
VIII—X ԴԱՐԵՐՈՒՄ

Պատմ. գիտ. դոկտոր Խ. Ա. ՄՈՒՇԵԳՅԱՆ

Հայաստանում և հարևան երկրներում գտնված դրամական գանձերը հանդիսանում են հնուց մնացած այն իրեղեն ապացույցները, որոնց ծագման ու շրջանառության տվյալները հնարավորություն են ընձեռում դատելու ապրանքափոխանակության ոլորտում երկրի ունեցած միջադժային կապերի հիմնական ուղղությունների մասին:

Դրամական շրջանառության ներքին ոլորտի համար կարևոր տվյալներ են ներկայացնում պղնձե դրամները, որոնք գործառական նշանակություն են ունեցել առավելապես տեղական շուկայի առևտրի մեջ: Այդ առումով ուշագրավ են դրամական միավորների երկու խմբեր: Դրանցից մեկը Դվինի ավերակներում ի հայտ եկած Օմայան պղնձե դրամների այն նմուշներն են, որոնք թողարկվել են տեղում՝ Հայաստանի գլխավոր քաղաք Դվինում և սպասարկել են քաղաքային շուկայի մանր ապրանքափոխանակության ներքին պահանջները: Հայաստանի սահմաններից դուրս տեղական կտրվածքի այդ դրամները տարածում չեն ունեցել: Հայաստանում գտնված և VIII դարին վերաբերող դրամների երկրորդ խումբը՝ Արաբական խալիֆայության կենտրոնական նահանգներում, մասնավորապես Սիրիայում և Իրաքում թողարկված Օմայան արծաթե և պղնձե դրամներն են: Վերջիններս ըստ ծագման թողարկվել են Հիմս (Նդեսիա)², Դամասկոս³, Կիննասարին⁴ քաղաքներում: Ի տարբերություն տեղական դրամների, այս երկրորդ խմբի դրամները քանակապես դեռևս շատ չեն և հազիվ նշմարելի չափով կարող են վկայել դրամական շրջանառության ոլորտում հայկական շուկաների կապը սիրիական քաղաքների հետ: Բացառված չէ, որ Սիրիայից և Ջազիրայից Հայաստան եկած քարավանների միջոցով այդօրինակ պղնձե դրամները (ֆելսերը) կարող էին թափանցել Դվինի, ինչպես նաև հայկական այլ շուկաները:

Առավել որոշակի վկայություն է ներկայացնում Ապարանի Շենավան գյուղում 1957 թ. գտնված Օմայան արծաթե դրամներից բաղկացած գանձը⁵, նորագույն դրամը պատկանում է հիջրայի 119 թ., այսինքն՝ մ. թ. 737 թ.: Հավանաբար, գանձը հողին է հանձնվել VIII դարի 40—50-ական թթ.: Այլ կերպ ասած՝ գանձի դրամները գործառական նշանակություն են ունեցել VIII դարի առաջին կեսին:

¹ X. A. Мушегян, Денежное обращение Двина по нумизматическим данным, Ереван, 1962, էջ 61, № 12—19 (այսուհետև՝ Мушегян).

² Հայաստանի պատմության պետական թանգարան, № 10678 (այսուհետև՝ ՀՊԹ):

³ Նույն տեղում, № 11210, 11995:

⁴ Նույն տեղում, № 12395:

⁵ Նույն տեղում, № 17130:

Քննությունը պարզել է, որ այդ գանձից մնացած արծաթե 13 դիրհեմներից 11-ը գրվագվել են Վասիտ քաղաքում, իսկ երկուսը՝ Քերման և Սուկ Մին-ալ-Ահվադ քաղաքներում։ Իրաքի նշանավոր Վասիտ քաղաքը, որ գտնվում է Պարսից ծոցի մոտ, խալիֆայության արծաթե դրամների թողարկման ամենակարևոր կենտրոններից մեկն էր Օմայանների տիրակալության մեջ, և Շենավանի գանձը, լինելով VIII դարին պատկանող գանձերից վաղագույնը Անդրկովկասում, ցույց է տալիս, որ VIII դարի առաջին կեսին Հայաստանում տարածված են եղել առավելապես Վասիտում գրվագված Օմայան արծաթե դրամները։ Ինչ վերաբերում է Քերման և Սուկ ալ-Ահվադ քաղաքներում թողարկված դրամներին, որոնք Շենավանի գանձում առկա են մեկական օրինակներով, ապա դրանք Հայաստանում հաղվագյուտ են։ Այն իրողությունը, որ Վասիտում թողարկված Օմայան արծաթե դրամները նշանակալից տարածում են ունեցել խալիֆայության կովկասյան շրջաններում, երևում է ինչպես Հայաստանում, այնպես էլ հարևան երկրներում գտնված դրամագիտական այլ նյութերից։ Շենավանի գանձը մեկ անգամ ևս հաստատում է, որ Հայաստանում VIII դարի առաջին կեսին դրանք պատահական չեն⁶։

Դրամական շրջանառության ոլորտում Հայաստանի միջազգային կապերն առավել տեսանելի ուղղագծվում են VIII դարի երկրորդ կեսից սկսած։ Հիմնական տվյալներն ի հայտ են գալիս Հայաստանում գտնված աբբասյան դրամների ու դրամական գանձերի քննությամբ։ Անմիջական կապերը դիտվում են նախ և առաջ Աղվանքի հետ։ Պարտավում գրվագված VIII դարի երկրորդ կեսի աբբասյան պղնձե դրամները լայն տարածում են ունեցել Դվինում, ուր պեղումների ընթացքում ի հայտ են եկել հիջրայի 142 (759/60), 143 (760/61), 159 (775/76), 163 (779/80) և 164 (780/81) թթ. թողարկված ֆելսերի բազմաթիվ նմուշներ⁷։ Արաբատառ արձանագրությամբ դրանց բուրի վրա հիշատակված է Աղվանքի գլխավոր քաղաք Պարտավի անվան արաբերեն ձևը՝ Բարդաա։ Հայաստան—Աղվանք կապերի մասին են վկայում նաև Դվինի կենտրոնական թաղամասի պեղումներից հայտնաբերված ալ-Յադի-դիա և ալ-Բար (Դերբենդ) քաղաքների աբբասյան պղնձե դրամները՝ թողարկված VIII դարի երկրորդ կեսին⁸, ինչպես նաև Դվինում գտնված, բայց Աղվանքում թողարկված հիջրայի 153 (770), 177 (793/94) և 178 (794/95) տարեթվերով աբբասյան պղնձե դրամները⁹։ Եթե նկատի ունենանք, որ պղնձե դրամները չէին մտնում արտաքին առևտրի ոլորտը, որ դրանք բնորոշ էին տեղական շուկայի մանրածախ առևտրին, ապա հարկ է ենթադրել, որ Հայաստան—Աղվանք կապերը դրամական շրջանառության ոլորտում զարգացել են անմիջականորեն։ Դա միանգամայն օրինաչափ երևույթ էր, որովհետև Արաբական խալիֆայության վարչական բաժանմամբ Հայաստանը և Աղվանքը մտնում էին մեկ նահանգի մեջ, ըստ որում նրանցում գրվագվող պղնձե

⁶ Мушегян, էջ 60, № 8—9։

⁷ ԶՊԲ, №№ 11146, 11147, 11207, 14683, 11197, 13841, 3087, Мушегян, էջ 29, 34, 535։

⁸ Նույն տեղում, №№ 11523, 12738։

⁹ Նույն տեղում, №№ 3090, 3096, 3100, 3155, 10841, 11149, 11199, 11206, 123226։

դրամները սպասարկում էին ներքին շուկային, որի սահմաններից դուրս սովորաբար չէին անցնում:

Դրամական շրջանառության ներքին ոլորտին բնորոշ Հայաստան—Աղվանք կապերի անմիջականության մասին փաստող հիշյալ տվյալները միաժամանակ ընդգծում են պղնձե դրամների նշանակությունը VIII դարի վերջին: Հենց այս ժամանակներում էր, որ Արմինիա նահանգի կառավարման գործում բարձրացել էր Պարտավ քաղաքի դերը, ուր փոխադրվել էր աբբասյանների ղիվանատունը¹⁰: Ըստ էության կուր-արաքսյան միջագետքի տնտեսական կյանքի խոշոր կենտրոնները VIII—IX դդ. եղել են Դվին և Պարտավ քաղաքները, որոնց փողերանոցներում ղրվագվող աբբասյան պղնձե դրամները նշանակալից տարածում էին ստացել հայկական շուկաներում: Այդ են վկայում Անդրկովկասով անցնող քարավանային ապրանքափոխանակության ասպարեղում Պարտավի¹¹ կարևոր դերի մասին եղած մատենագրական տեղեկությունները, ինչպես նաև Դվին քաղաքի պեղածո նյութերը, որոնք բնորոշ են միջնադարի ապրանքային արտադրության այդ խոշոր կենտրոնին¹²:

Պարտավ և Դվին քաղաքների ապրանքադրամական կապերի անմիջականության մասին են վկայում նաև երկու դրամական գանձեր, բաղկացած VIII դարի վերջին և IX դարի սկզբին պատկանող աբբասյան պղնձե դրամներից, որոնք գտնվել են Դվինի պեղումների ժամանակ: Դրանք պարունակում են բացառապես Դվինում և Պարտավում թողարկված ֆելսերի առանձին նմուշներ, որոնք հիշատակում են աբբասյան վաղ ժամանակներում Հայաստանում և Աղվանքում իշխող ոստիկանների անունները: Այդ գանձերից մեկը ներկայացնում է ոստիկանների կողմից թողարկված հետևյալ տարեթվերի դրամները¹³.

184 (800) թ. Ասադ Իբն Յազիդ	11 դրամ
186 (802) թ. Մուհամեդ Իբն Յազիդ	1 »
186 (802) թ. Խուլայմա Իբն Խալիմ	1 »
208 (823/24) թ. Խալիֆ ալ-Մամուն	14 »
208 (823/24) թ. Մուհամմեդ Իբն Սալիմ	1 »
անորոշ	1 »

Պղնձե դրամների երկրորդ գանձը նույնպես պարունակում է Հայաստանում և Աղվանքում թողարկված հետևյալ տարեթվերի, տեղական ոստիկանների անուններով ֆելսեր¹⁴.

¹⁰ Մ'ո վ ս ն ս Կ ա դ ա ն կ ա տ վ ա ճ ի, Պատմություն Աղվանից աշխարհի, թարգմանությունը, առաջարանը և ծանոթագրությունները Վարագ Առաքելյանի, Երևան, 1969, էջ 254:

¹¹ В. В. Бартольд, Историко-географический очерк Ирана. СПб., 1903, էջ 151:

¹² Կ. Ղաֆադարյան, Դվին քաղաքը և նրա պեղումները, I, Երևան, 1952:

¹³ ՀՊԲ, № 17498: Դանձր գտնվել է Դվինի կենտրոնական թաղամասի մոտ, այժմ Հնաբերդ կոչվող գյուղի հանգում, 1956 թ.:

¹⁴ ՀՊԲ, № 17600: Դանձր գտնվել է Դվինի ավերակներում, այժմ Հողաբերդ գյուղի հանգում, 1958 թ.:

177 (793/94) թ. Խալիդ Իբն Յազիդ	1	դրամ
չնչված տարեթիվով, Ասադ Իբն Յազիդ	3	»
187 (802/03) թ. Խալիմ Իբն Խուլայմա	3	»
208 (823/24) թ. Խալիֆ ալ-Մամուն	5	»
չնչված տարեթիվերով և անուններով	10	»

Դվինում գտնված այս երկու գանձերն էլ ներկայացնում են ղուտ տեղական շուկայի նեղ ոլորտին բնորոշ աբբասյան պղնձե դրամներ: Հարևան արտադրան և իրանական երկրներից եկած պղնձե դրամներ այս գանձերում չկան: Հատուկնե տօրինակներով տեղական կերտվածքի աբբասյան նուշնանման ֆելսեր հաճախ են հայտնաբերվում կուր-արաքսյան միջադեպի հնավայրերում: Սակայն Անդրկովկասից դուրս այդօրինակ ֆելսերը հազվագյուտ են: Եվ դա պատահական չէ, որովհետև արտաքին առևտրում այդպիսի դրամները լայն տարածում չեն ունեցել: Դրանք ևս որոշակիորեն փաստում են Հայաստանի ու Աղվանքի միջև եղած ապրանքադրամական հարաբերությունների առնչականությունը շրջանառության ներքին ոլորտում: Տեղական կերտվածքի աբբասյան պղնձե այդ ֆելսերի շրջանառությունը հայկական և աղվանական շուկաներում կատարվել է, ամենայն հավանականությամբ, ոչ միայն դրանց թողարկման տարիներին՝ VIII դարի վերջին և IX դարի առաջին քառորդում, այլ շարունակվել է նաև հետագայում, Աբբասյանների տիրակալության ողջ ժամանակաշրջանում: Բացառված չէ, որ առաջիկայում Պարտավի հնագիտական պեղումներից ի հայտ գան ինչպես տեղական, այնպես էլ Դվինում թողարկված աբբասյան պղնձե դրամներ, որոնք հավասարապես ընդունելի էին տեղական շուկայում:

Սիջադգային ապրանքափոխանակության համար կարևոր էին արծաթե դրամները: Այդ առումով անհրաժեշտ է պարզել, թե Արևելյան Խալիֆայության ոտնդման վաղ ժամանակից, այսինքն՝ VIII դարի երկրորդ կեսից մինչև Արևելքում այսպես կոչված «արծաթի ճգնաժամի» սկսվելը, այլ կերպ ասած՝ մինչև X դարի վերջը, Հայաստանում ինչպիսի՞ արծաթե դրամներ են շրջանառության մեջ եղել և այդ դրամներն իրենց ծագման աշխարհագրական ու ժամանակագրական տվյալներով ինչպիսի՞ տեղեկություններ են տալիս երկրի միջադգային կապերի հիմնական ուղղությունների մասին:

Ըստ էության, աբբասյան արծաթե դրամների հայտնաբերումները պանգվածաին բնույթ են կրում: Դրամագյուտները ցույց են տալիս, որ, ի տարբերություն վաղ արաբական ժամանակների, VIII դարի երրորդ քառորդից սկսած աբբասյան դիրհմների շրջանառության ոլորտը մեծապես ընդլայնվել էր: Աբբասյանների տիրակալության հսկայական տարածքի վրա (Միջին Ասիայից մինչև Միջերկրականի ափերից) ծավալվել էր միջադգային ապրանքափոխանակությունը: Սակայն ի՞նչ բնորոշ տվյալներ է ներկայացնում Հայաստանի դրամական շրջանառությունը և արտաքին առևտրի շնորհիվ դրանց բերված ինչպիսի՞ դրամներ են տարածվել հայկական շուկաներում:

Այս հարցերին պատասխանելու համար նախ և առաջ հարկ է նկատի ունենալ, որ իր աշխարհագրական դիրքով Արմինիա նահանգը կարևոր ռազմաստրատեգիական և տնտեսական նշանակություն ուներ Արևելյան Խալիֆայության համար: Երա միջով անցնում էին դեպի սլավոնական երկրների շուկաները տանող քարավանային առևտրի ճանապարհները: Անդրկովկասի

(հատկապես կուր-արաքսյան միջազետրի) ապրանքային արտադրության ամենանշանավոր կենտրոնները, ինչպես նաև բուն Հայաստանի հարավային շրջաններն ընդգրկված էին խալիֆայության Արմինիա նահանգի մեջ¹⁵։ Հաշվի առնելով այդ նահանգի՝ որպես մեկ վարչական միավորի պատմական նշանակությունը խալիֆայության համար, անհրաժեշտ է քննության առնել այն դրամական գանձերը, որոնք հայտնաբերվել են Արմինիայի հայկական, վրացական և աղվանական շրջաններում։ Իրամագիտական նյութերի քննության այդ սկզբունքով միայն հնարավոր է բացահայտել Հայաստանի դրամական շրջանառության զարգացման և նրա առևտրական կապերի տվյալները։

Արմինիա նահանգում գտնված և Աբբասյանների տիրակալության ժամանակներին վերաբերող արժաթե դրամական դանձերից վաղագույնը պատկանում է VIII դարի երրորդ քառորդին։ Այն հայտնաբերվել է նախկին Գանձակ քաղաքի (այժմ Կիրովաբադ) մոտ։ Գանձի պարունակությունից պահպանված 187 արժաթե դրամներից նորագույնը թողարկվել է հիջրայի 155 (771/72) թ.։ Հենց այդ տարիներից էլ դիտվում է ապրանքափոխանակության պահանջով խալիֆայության արաբական և իրանական երկրամասերից դուրս եկած արժաթե օմայան ու աբբասյան դիրհամների համատեղ շրջանառությունը հայկական, աղվանական ու վրացական շուկաներում։ Սկզբում քանակական գերակշռությունը մնում էր դեռևս օմայան դրամների կողմը, սակայն նոր թողարկվող աբբասյան դրամների հոսանքը զնալով զորեղանում է և, ի վերջո, դառնում տիրապետող։ Միջազգային առևտուրը Հայաստան է բերում արժաթ դրամներ Իրաքի, Սիրիայի, Ջաղիրայի, Խուզիստանի, Ջեբալի և այլ երկրամասերի վաճառաչահ քաղաքներից։ Այդ են վկայում Մարտունիում¹⁶, Կարյազդինոյում¹⁷, Թոուզում¹⁸, Սավանայում¹⁹ և Անդրկովասի այլ վայրերում գտնված դրամական գանձերը, որոնք բոլորն էլ ներկայացնում են

¹⁵ խալիֆայության Արմինիա նահանգը միջնադարի արաբ պատմիչների մոտ հիշատակվում է որպես մի բանի շրջաններ ընդգրկող երկրամաս։ Այսպես, օրինակ, բոտ ալ-Բալազուրիի Արմինիան բաժանված է եղել չորս մասերի, որոնցից Սյունիքը և Աղվանքը միասին կազմել են ալսպես կոչված Առաջին Արմինիան։ Վրաստանի արևելյան մասը ներկայացվել է որպես երկրորդ Արմինիա։ Վասպուրականը, Գվինը, Շիրակ-Տայքը և Բագրևանդը միասին դիտվել են որպես երրորդ Արմինիա, իսկ Արշամաշատը, Կարինը, Խաթը, Արճեշը ու Ապահոնիքը՝ չորրորդ Արմինիա։ Մեկ ուրիշ տեղեկությամբ ալ-Բալազուրին Արմինիա նահանգի ստորաբաժանումները հիշատակում է նաև տարբեր շրջանների միավորումներով, բոտ որի առաջին Արմինիան իր մեջ ընդգրկում է Սյունիքը, Աղվանքը և Թիֆլիսը, երկրորդ Արմինիան՝ Կարինը, Խաթը, Արճեշը և Ապահոնիքը (Բաջունայս)։ Երրորդ Արմինիան՝ Շիրակը, Տայքը, Բագրևանդը, Գվինը և Վասպուրականը, չորրորդ Արմինիան՝ Արշամաշատը (Շիմշատ)։ *Shu al-Balazuri, Iz knigi Zavoievaniye stran, «Materialy po istorii Azerbaidzhana», vyp. III, tekst i perevod prof. N. K. Zhuze, Baku, 1927, էջ 3։* С. Илепчян, Административная политика Арабского халифата в Армении в VII—IX вв., Ереван, 1955, էջ 9—10 (Автореферат диссертации)։ А. М. Шахназарян, Двин. Историко-географический очерк, Ереван, 1940, էջ 28։

¹⁶ Հղր, № 14516։

¹⁷ Բ. А. Нахомов, Монетные клады Азербайджана..., вып. I—IX, Баку, 1926—1966, № 386 (այսուհետև՝ ИМК)։

¹⁸ Նույն տեղում, № 388։

¹⁹ Լ. Լ. Джалагания, Монетные клады Грузии, I, Тбилиси, 1975, էջ 24—35 (այսուհետև՝ Джалагания)։

VIII դարի վերջին շրջանառության մեջ եղած դրամական միավորներին բնորոշ տվյալները²⁰:

Հետագայում դրսից եկող դրամների հոսքը դիտվում է IX դարի դրամական գանձերի տվյալներով: Աբբասյան դրամներն առավել լայն տարածում են ստանում: Ասորաճային արտադրության և միջազգային առևտրի զարգացման հետ կապված Հայաստան են թափանցում ոչ միայն Իրաքի, Սիրիայի, Ջազիրայի, Ջեբալի ու Սեջիստանի քաղաքներում դրվագված արծաթե դրամները, այլև Աֆրիկայի հյուսիսային մասերում, անգամ Իսպանիայում ու Միջին Ասիայում թողարկված աբբասյան դիրհեմները: Վերջիններիս թափանցումը խալիֆայության կովկասյան շրջանները և տարածումը հայկական աղվանական ու վրացական շուկաներում կատարվում էր, հավանաբար, ոչ անմիջականորեն, այլ տարբեր շուկաների հետ ունեցած առնչություններով: Սակայն բացառված չէ, որ առանձին դեպքերում օտար երկրներում դրվագված արծաթե աբբասյան դրամները կարող էին բերվել Հայաստան նաև անմիջական կապերի շնորհիվ: Հիշենք, որ ապրանքային արտադրության հայկական շրջանները դեռևս մինչև աբբասյան դրամների թողարկումը կապված են եղել Մերձավոր Արևելքի արաբական և իրանական քաղաքների հետ:

Ուշագրավ է, որ IX դարում Հայաստանում, ինչպես և հարևան երկրներում, աբբասյան դրամների հետ շրջանառության մեջ գործառական նշանակություն են ունեցել հնուց մնացած սասանյան դրախմաները և դրանց ընդօրինակությամբ թողարկված այսպես կոչված արաբա-սասանյան արծաթ դրամները: Պարզված է, որ IX դարի սկզբին Աղվանքում թաղված դրամական դանձում աբբասյան դրամների հետ եղել են նաև սասանյան խոսրով II Փարվեզի (590—628) պատկերով և պահլավերեն նև, ինչպես նաև նևի գրերով երկու դրախմաներ²¹: Վրաստանում (Թելավի շրջանի Փշավելի գյուղում), նույնպես IX դարի սկզբին թաղված գանձում, աբբասյան դրամներից բացի եղել են սասանյան և արաբա-սասանյան դրամներ²²: Հայաստանում, մասնավորապես Դառնիում գտնված, IX դարի առաջին քառորդին պատկանող դրամական գանձում աբբասյան դրախմաններից բացի եղել են նաև Սասանյան խոսրով II Փարվեզի և Իրանի Օմայան նահանգապետ Ուբեյդալլահ իբն Ջիյադի հիշրայի 62 (681—682) թ., ինչպես նաև Թաբարստանի Աբբասյան կուսակալ Օմար իբն-ալ Ալայի (տեղական տոմարի 128 = մ. թ. 779) արծաթ դրամները: Դառնիի այդ նույն գանձում ի հայտ են եկել արաբական խալիֆայության հետոեֆորմյան դրամներից այնպիսի միավորներ, որոնք դրվագվել են Օմայան խալիֆաներ Աբդ ալ-Մելիքի, Վալիդ II-ի և Հիշամի գահակալության տարիներին²³: Այդ է վկայում նաև Սևանի ափին, Մարտունու շրջակենտրոնում գտնված IX դարի երրորդ քառորդին պատկանող գանձը, որի մեջ աբբասյան դրամների հետ միասին եղել են Իրանի օմայան կուսակալ Ջիյադ իբն Աբու Սուֆյանի անունով հիշրայի 41—55 (661—675) թթ. դրվագված երկու արծաթե դրամներ, ինչպես նաև Թաբարստանի աբբասյան նահանգապետ Օմար իբն ալ-Ալայի իշխանության տարիներին, տեղական տո-

²⁰ Мушегян, 39.

²¹ ПМК, II, № 391.

²² Д ж а л а г а н н я, I, 35—36.

²³ ՀՊԹ, № 7200—7728, 8274—8309.

մարի 132 թ. (մ. թ. 783/84 թթ.) ղրվագված մեկ հատ կես դրախմանոց²⁴, Սակայն վաղուց իրենց դարն ապրած ինչպես սասանյան և արաբա-սասանյան, այնպես էլ օմայան արծաթե դրամները IX դարի ընթացքում գնալով սպառվում էին։ Արմինիայի տարածքի վրա հայտնաբերված IX դարի գանձերը հստակորեն արտահայտում են այդ փոփոխությունը։ Բերենք մի քանի օրինակ.

Գանձի հայտնաբերման տեղը և ժամանակը	Գանձում եղած նորագույն դրամի տարեթիվը	Գանձում հավաքված դրամների տեսակները հատերով					
		Սասանյան	Արաբ-սասանյան	Օմայան	Աբբասյան	Բյուրյան	Աղվաթյան
Աղղամ, Ադր. ՍՍՀ, 1934 թ.	188 (803/04) թ.	2	5	2	49	1	1
Փշավելի, Վրաց. ՍՍՀ, Թելավի շրջան, 1937 թ.	192 (807/08) թ.	1	1	5	118	2	—
Կավշիրի, Վրաց. ՍՍՀ, Լագոդեխի շրջան, 1921 թ.	204 (819/20) թ.	1	1	7	29	—	—
Գառնի, Հայկ. ՍՍՀ, Աբովյանի շրջան, 1930 թ.	227 (822/23) թ.	1	3	4	47	—	—
Ապենի, Վրաց. ՍՍՀ, Լոդդեխի շրջան, 1924 թ.	215 (833/34) թ.	16	24	30	322	—	—
Մինդեշուր, Ադր. ՍՍՀ, Խաղանի շրջան, 1948 թ.	258 (871/72) թ.	—	—	1	23	—	—

Հին թողարկման դրամների առկայությունը նորերի հետ և նրանց գործառական նշանակությունը փոխանակության պրոցեսում բնորոշ է եղել ոչ միայն Արևելքի երկրների դրամական տնտեսությանը, այլև նվրուպայի երկրներին։ Հաշվի էին առնվում նախ և առաջ ազնիվ մետաղի պարունակության կշռային չափերը։ Միջազգային շուկաներում հանդիպող այլալեզու վաճառականներին անհրաժեշտ էր հավաստիանալ արծաթի կամ ոսկու զտության մասին, իսկ թե ինչ պատկերներով ու գրություններով էին օժտված ներկայացվող դրամները, դա հարցի ձևական կողմն էր։

Չնայած հնուց մնացած դրամների առկայությանը դրամական շրջանառության մեջ, որոշակի է այն իրողությունը, որ Հայաստանում և հարևան երկրներում IX դարի ընթացքում լայնորեն տարածված արծաթե դրամները (որոնք ընդհանրապես միջազգային նշանակություն ունեին արտաքին ու ներքին առևտրի մեջ) Արաբական խալիֆայության Աբբասյան դինաստիայի դիրհամներ են եղել։ Նկատենք, որ IX դարի առաջին իսկ տարիներից մինչև նրա ավարտը շրջանառության մեջ եղած արծաթե դրամների գերակշռող մասը կազմված է եղել VIII դարի վերջին և IX դարի սկզբին թողարկված աբբասյան դիրհամներից։ Անգամ IX դարի վերջին տարիներին պատկանող դանձերը բաղկացած են վաղ աբբասյան ժամանակներում թողարկված դրամներից։ Ըստ էության Աբբասյան առաջին հինգ խալիֆաների օրոք ավելի շատ արծաթ

24. ՀՊԻ, № 17749—17758։

դրամներ հն բաց թողնվել շրջանառության մեջ, քան նրանց հաջորդների տարիներին: Այդ հետևությանը կարելի է հանգել ոչ միայն Հայաստանից դուրս գտնված դանձերի քննության տվյալներով, այլև բուն Հայաստանում գտնված նյութերի հիման վրա: Իբրև օրինակ բնորոշ է IX դարի առաջին կեսին աատկանող արծաթ դրամներից բաղկացած գանձը, որ գտնված է Դառնիում²⁵, Այստեղ շրջանառության մեջ նդած աբբասյան դրամները թողարկվել են հետևյալ խալիֆաների գահակալության տարիներին.

ալ-Մանսուր (136—158=754—775)	.	.	.	.	11 դրամ
ալ-Մահդի (158—169=775—785)	.	.	.	.	12 »
առ-Ռաշիդ (170—193=786—809)	.	.	.	.	17 »
ալ-Ամին (193—218=813—833)	.	.	.	.	8 »
ալ-Մամուն (198—218=813—833)	.	.	.	.	3 »

Գրեթե նույն ժամանակագրական տվյալներն են ներկայացնում Սևանի ափին, Հայկական ՍՍՀ Մարտունու շրջկենտրոնում 1961 թ. գտնված, IX դարի երկրորդ կեսին վերաբերող գանձի դրամները, որոնք թողարկվել են հետևյալ խալիֆաների գահակալության տարիներին²⁶.

ալ-Մանսուր (136—158=754—775)	.	.	.	.	4 դրամ
ալ-Մահդի (158—169=775—785)	.	.	.	.	6 »
ալ-Հադի (169—170=785—786)	.	.	.	.	1 »
առ-Ռաշիդ (170—193=786—809)	.	.	.	.	37 »
ալ-Մամուն (195—218=810—833)	.	.	.	.	3 »
ալ-Մուտասիմ (218—227=833—842)	.	.	.	.	5 »
ալ-Վասիկ (227—232=842—847)	.	.	.	.	2 »
ալ-Մութավաթիլ (232—247=847—861)	.	.	.	.	14 »

Ինչպես տեսնում ենք, IX դարի 60-ական թթ. անգամ գործառական նշանակություն են ունեցել առավելապես Հարուն ալ-Ռաշիդի և նրա նախորդների դիրհամները, որոնք շրջանառության մեջ են եղել նոր թողարկված արծաթ դրամների հետ մեկտեղ:

Դրամական տնտեսության այսպիսի վիճակի մասին են վկայում Արմինիայի հայկական, աղվանական և վրացական շրջաններում հայտնաբերված գրեթե բոլոր դրամական դանձերը: Վերջիններիս պարունակության տվյալներից երևում է, որ IX դարի ողջ ընթացքում Հայաստանը և հարևան երկրներն ընդգրկված են եղել Արաբական խալիֆայության ներքին առևտրի ոլորտը, որ ասորանքադրամական հարաբերությունների դարգացման շնորհիվ հայկական շուկաներն են թափանցել Բաղդադում, Բասրայում, ալ-Քուֆայում, Վասիտում, ինչպես նաև Մուհամեդիա (Ռեյ), Իսպահան և այլ քաղաքներում թողարկված արծաթ դրամներ:

Արևելքի արաբական և իրանական երկրամասերից, հատկապես Իրաքից, Սիրիայից, Ջաղիրայից, Ջերալից, Ֆարսից, Խուզիստանից և այլ շրջաններ

25 ՀՊԹ, № 7200—7728—8274—8302.

26 Նույն աեղում, № 17749—17758.

քից Հայաստան բերված արծաթ դրամների հետ առևտրի պահանջները սպասարկել են նաև բուն Հայաստանի ու Աղվանքի վաճառաշահ քաղաքներում թողարկված աբբասյան արծաթ դրամները: Հայտնաբերված դրամական դանձերը պարզորոշ արտացոլում են նախ և առաջ Իրաքի և Իրանի կապը Հայաստանի հետ աբբասյան դրամների շրջանառության ոլորտում: Հայաստանում IX դարում տարածված աբբասյան արծաթե դրամները գերադանցապես խալիֆայության արաբական (Իրաք, Սիրիա, Ջազիրա) և Իրանական (Ջեբալ, Ֆարս, Խուզիստան, Խորասան) երկրամասերից բերված դիրհեմներ են եղել:

Ասիական երկրներից բերված աբբասյան դրամներից բացի, մինչև IX դարի 30-ական թթ. Հայաստանում, Աղվանքում և արևելյան Վրաստանում նկատելի տարածում են ունեցել նաև Միջերկրականի աֆրիկյան ափերից, մասնավորապես Թունիսից, Մարոկկոյից և Ալժիրից դուրս եկած իզրիսյան ու աղլաբասյան արծաթե դրամները, որոնք իրենց արաբատառ արձանագրություներով և արծաթի կշռային չափերով նման էին աբբասյան դիրհեմներին: Սակայն արաբական աշխարհի աֆրիկյան կենտրոններում դրվագված արծաթե դրամների շրջանառությունը Հայաստանում և հարևան երկրներում դիտվում է կարճ ժամանակամիջոցում. արդեն IX դարի երկրորդ կեսին Միջերկրականի աֆրիկյան վաճառաշահ ալ-Աբբասիա, Իֆրիկիա, Վելիլա և Տուդղա քաղաքներում դրվագված արծաթե դրամների հոսքը դեպի Արևելք նվազում է, իսկ այդ դարի վերջին հայկական շուկաներում իզրիսյան և աղլաբասյան դրամների առկայությունը աննկատելի է դառնում: Դրամական շրջանառության մեջ այդ ժամանակներում բացահայտորեն տիրապետող էին մնացել աբբասյան արծաթե դրամները, որ թողարկվում էին ինչպես տեղում, հայկական ու աղվանական քաղաքներում, այնպես էլ Իրաքի, Սիրիայի, Ջազիրայի, Ջեբալի, Ֆարսի, Խուզիստանի և Խորասանի քաղաքներում: Աբբասյան դրամների առավելությամբ է շարունակում զարգանալ դրամական շրջանառությունը Հայաստանում ոչ միայն IX դարի վերջին, այլև X դարի ողջ ընթացքում:

Կուր-արաբսյան միջագետքի դրամագիտական նյութը X դարի 30-ական թթ. սկսած արտացոլում է նաև ուրիշ փոփոխություններ, որոնք կատարվել էին Մերձավոր Արևելքի երկրներում: Շրջանառության մեջ երևացել էին քաղաքական պատմության ասպարեղը մտած ֆեոդալական նոր տիրակալությունների արծաթե դրամները: Երբեմնի հզոր Աբբասյանների իշխանության քայքայման հետևանքով նրա տիրակալության հսկայական տարածքի վրա առաջ էին եկել տարբեր անկախ ու կիսանկախ ամիրայություններ, որոնք նվաճել էին սեփական դրամ կտրելու իրավունք: Այդ նոր պետությունների թողարկած դրամները թափանցել էին առևտրի հայկական, աղվանական ու վրացական շրջանները, ուր աբբասյան դրամների հետ միասին սպասարկում էին ապրանքափոխանակության պահանջները: Այդ նոր, մեծ մասամբ իրանական ծագում ունեցող դինաստիաների դրամները քանակով շատ չէին և հայկական շուկաներում երբեմն հաղիվ էին նշմարելի դառնում աբբասյան դրամների հոծ զանգվածում: Այդ տեսակետից ուշագրավ է Դվինում հայտնաբերված, X դարի առաջին կեսին վերաբերող արծաթե դրամների գանձը²⁷, որն ըստ դինաստիաների ներկայացնում է հետևյալ պատկերը. Աբբասյան-

²⁷ М у ш е г я н, էջ 139.

ներ՝ 19 դրամ, Սաջյաններ՝ 1 դրամ: Այդ գանձի աբբասյան դրամների կեսից ավելին շրջանառության մեջ են մտել ալ-Մուկտադիր խալիֆայի (295—320—902—932) գահակալության տարիներին: Մնացած դրամները մեկ-երկու օրինակներով վերաբերում են ալ-Մուտամիդ, ալ-Մուտադիտ, ալ-Մուկտաֆի, ալ-Կախիր և առ-Ռադի խալիֆաների տարիներին, ըստ որում գանձի դրամներից նորագույնը թողարկվել է հիջրայի 324 (935/36) թ.: Նշանակում է X դարի առաջին կեսին ևս Հայաստանի դրամական տնտեսության մեջ բացահայտ առավելությունը պատկանել է աբբասյան դրամներին: Սաջյան դինաստիան ներկայացված է հիջրայի 319 (931) տարեթվով, տեղում՝ Արմինիայում գրվագված, Յուսուֆ իբն Դիվդադի անվամբ ընդամենը մեկ հատ արծաթ դրամով: Արտաքնապես չնչին թվացող, բայց բոլորովին նոր դինաստիայի թողարկած այս արծաթ դրամի առկայությունը նշում է այն փոփոխությունը, որ կատարվել էր դրամական շրջանառության մեջ: Այս կարգի նոր դրամների մուտքը շրջանառության մեջ առավել նկատելի դիտվում է վրացական ՍՍՀ Մարնեուլիի շրջանում գտնված դրամական գանձի պարունակությամբ²⁸: Այս գանձում հավաքված են ոչ միայն Աբբասյան, այլև Սաֆիայան, Սամանյան, Բուվեյան, Սաջյան և այլ դինաստիաների արծաթե դրամները, որոնցից նորագույնը թողարկվել է հիջրայի 334 (945/46) թ.: Դանձից պահպանված շուրջ 200 դրամների մեծ մասը դուրս է եկել Իրաքի (44,70%) և Ջաղիրայի (24,20%) վաճառահաճ քաղաքներից: Մնացած դրամները (մեկից վեց նմուշներով) ներկայացնում են Իրանի հարավ-արևմտյան (Ֆարս, Խուզիստան) և արևելյան (Խորասան) ու կենտրոնական մարզերում (Ջեբալ, Ադրբեջան), ինչպես նաև Հայաստանում և Վրաստանում թողարկված դրամները:

X դարի երկրորդ կեսին առավել լայն տարածում են ստանում Աբբասյաններից անկախություն նվաճած ֆեոդալական նոր իշխանությունների թողարկած դրամները: Այդ մասին կարևոր տվյալներ են ներկայացնում երկու դրամական գանձեր, որոնք գտնվել են պատմական Աղվանքի հարավ-արևելքում: Դրանցից մեկը բացվել է Ադրբեջանական ՍՍՀ Մասալիների շրջանի Բամբաշի գյուղում, 1948 թ., հողային աշխատանքների ժամանակ: Այդ գանձի 61 արծաթ դրամների շարքում նորագույնը կրում է իր վրա հիջրայի 342 (953) տարեթիվը²⁹: Աբբասյան դիրհեմներից բացի (մոտ 20%), գանձը պարունակում է Սամանյանների (8%), ադրբեջանական ամիրանների (5%), Թոխարստանի ամիրանների (5%) և Սաալուկյանների (1,60%) դիրհեմները: Այս գանձի տվյալները թույլ են տալիս ենթադրելու, որ առանձին դեպքերում միջազգային առևտուր կարող էր կուր-արաքսյան միջադեպի տնտեսական շրջանները բերել այդ ժամանակներում հզորացած, իրանական ծագում ունեցող ամիրայությունների արծաթե դրամները: Ինչպես Սամանյան, այնպես էլ Բուվեյան և այլ ամիրայությունների թողարկած արծաթե դրամները արտաքնապես շատ չէին տարբերվում աբբասյան դիրհեմներից: Դրանք իրենց կշռային չափերով և արաբատառ արձանագրությունների ձևավորման տվյալ-

²⁸ Description d'une trouvaille de 200 dirhems koufiques, faite aux environs de Tiflis, en 1857, par M. Bartholomaei. Extraits du Bulletin Historico-Philologique l'Academie imperiale des Sciences de S.-Peterbourg. „Mélanges Asiatiques“, 1857—1859, t. III, էջ 222—230.

²⁹ ГИМК, IX, № 2106.

ներով ներկայացնում են մահմեդական Արևելքում դրամագործության մեջ ընդունված հիմնական սկզբունքները: Փոխվել էին իշխող դինաստիաները, սակայն ասորաճաշին արտադրության զարգացման պահանջով դրամների դրվագումը կատարվում էր Մերձավոր Արևելքի տնտեսական կյանքի գրեթե նույն կենտրոններում: Միջադպյին առևտրի նույն մայրուղիներով հայկական շուկաներն էին բերվում Իրաքի, Ջեբալի, Ֆարսի, Ջաղիրայի, Խուզիստանի և այլ երկրամասերի վաճառաշահ քաղաքներում դրվագված արաբատառ քուֆի գրերով արծաթե դրամներ, որոնք աբբասյան դրամների հետ խառնված սպասարկում էին կովկասյան շուկաներում կատարվող ասորաճափոխանակության պահանջները:

Բամբաշիի գանձի դրամների վրա նշված են ոչ միայն Աբբասյան խալիֆաների, այլև իրանական ժագում ունեցող ամիրայությունների առանձին տիրակալների անունները, որոնք ըստ ժամանակագրության հետևյալներն են.

Աբբասյաններ

ալ-Մամուն (195—218=810—833)	1 դրամ
ալ-Մուտազ (252—255=866—869)	2 »
ալ-Մուտազիդ (279—289=892—902)	5 »
ալ-Մուկոտաֆի (289—295=902—908)	1 »
ալ-Մուկտադիր (295—320=908—932)	14 »
ալ-Կախիր (320—322=932—934)	1 »
ալ-Ռադի (322—329=934—940)	8 »

Սամանյաններ

Նասր իբն Ահմեդ (301—331=914—943)	5 դրամ
----------------------------------	--------

Բուվեհյաններ

Իմադ ադ-Դաուլա Ալի (322—338=934—949)	6 դրամ
Մուհիզ ադ-Դաուլա Ահմեդ (334—356=945—967)	3 »
Ռուկն ադ-Դաուլա Հասան (335—366=946—977)	2 »
Ադուդ ադ-Դաուլա Ֆանա Խուսրաու (338—372=948—983)	1 »

Սալուկյաններ

Մուհամեդ իբն Ալի (298—316=910—929)	1 դրամ
------------------------------------	--------

Ադրբեջանի ամիրաներ

Մուֆլիհ ալ-Յուսուֆի (319—321=931—933)	1 դրամ
Դայսաս իբն Իբրահիմ (325—341=937—953)	2 »

Թուսաթառանի ամիրաներ

Ահմեդ իբն Սախլ (304=916—917)	1 դրամ
------------------------------	--------

Պատմական Աղվանքում գտնված, X դարի երրորդ քառորդին բնորոշ այս տվյալները հաստատվում են մեկ ուրիշ գանձի պարունակությամբ, որը նույնպես գտնվել է Ադրբեջանական ՍՍՀ Մասսալինի շրջանի Յադ-Կիրագի

գյուղում, այսինքն պատմական կղզանքում³⁰։ Շուրջ 300 արծաթ դրամներից բաղկացած այդ երկրորդ գանձը ներկայացնում է X դարի 50-ական թթ. շրջանառության մեջ եղած դրամական միավորների հետևյալ հարաբերակցությունն ըստ դինաստիաների.

Սասանյան	4 դրամ = 1,36%	Անդերաբի ամիր.	6 դրամ = 2,03%
Օմայան	1 » = 0,34%	Ադրբեջանի ամիր.	5 » = 1,70%
Աբբասյան	157 » = 53,39%	Թաբարստանի ամ.	3 » = 1,02%
Բուվեհյան	59 » = 20,06%	Ումարայի ամիր.	2 » = 0,34%
Սամանյան	31 » = 10,54%	Վեջիհյաններ	1 » = 0,34%
Համդանյան	11 » = 3,74%	Սաֆարյան	1 » = 0,34%
Բուրոուլին մաշված	12 » = 4,10%	Սալարյան	1 » = 0,34%

Առանձնացնելով հատուկենտ նմուշներով ինչպես հնուց մնացած (սասանյան, օմայան), այնպես էլ IX—X դդ. թողարկված, բայց տեղական շրջանառության համար ոչ բնորոշ (Ումարայի, Թաբարստանի, Օմանի) դրամները, մենք կունենանք գանձի հիմնական կազմը՝ աբբասյան, բուվեհյան, սամանյան և համդանյան դիրհեմներ, որոնք գործառական նշանակություն են ունեցել ապրանքափոխանակության պրոցեսում։ Ուշագրավ է, որ այս գանձի պարունակությամբ ևս ընդգծվում է աբբասյան դրամների առավելությունը (53,35%) շրջանառության մեջ X դարի երկրորդ կեսին³¹։ Եթե նկատի առնենք տվյալ գանձի դրամներից միայն այն 236 դիրհեմները, որոնց վրա ընթերցվում են նրանց ծագման տեղանունների վերաբերյալ արաբերեն արձանագրությունները և խմբադրենք այդպիսիներն ըստ երկրամասերի, ապա կարտացոլվեն Իրաքի, Ֆարսի, Ջաղիրայի, Խորասանի, Ջեբալի, Հայաստանի, Աղվանքի և միջինասիական բաղաժանցների կապերը դրամական շրջանառության ոլորտում։ Սակայն այդ կապերը չեն կարող դիտվել ուղղակի դժերով, այլ առավելապես բաղմամբիվ միջանկյալ փոխանցումների ձևով, միջազգային առևտրի ընդհանուր պրոցեսում։

Բացահայտ է այն իրողությունը, որ հայկական, աղվանական և վրացական շուկաներում եղած արաբատառ դրամների ողջ զանգվածը բաղկացած է հիմնականում Մերձավոր Արևելքի արաբական և իրանական երկրներում գրվազված արծաթե դրամներից, որոնք շրջանառության մեջ են եղել արտաքին ու ներքին առևտրում։ Բանձերը ցույց են տալիս, որ ի տարբերություն անցյալ ժամանակների, X դարի երկրորդ կեսին ակտիվացել էր իրանական, քաղաքների դերը դրամների թողարկման գործում։ Ապրանքային արտադրության զարգացման և միջազգային փոխանակության աճող պահանջների համար իրանական ծագում ունեցող դինաստիաները ավելի շատ արծաթ դրամներ էին թողարկում, քան անցյալներում։ Այդ դինաստիաներից մասնավորապես Բուվեհյանները և Սամանյանները, հզորանալով, X դարում դարձել էին լայնածավալ Իրանի տիրակալները, որոնց հսկողության տակ էին անցել, մի կողմից, Պարսիք ծոցից Ֆարս ու Խուզիստանի միջով ղեկի

³⁰ Կուրդի տեղում, № 2107։

³¹ Յաղ Կիրազի գյուղում գտնված գանձի նորագույն դրամը կրում է հիջրայի 342 (953/54) տարեթիվը։

արաբական երկրները, իսկ մյուս կողմից՝ խորասանի վրայով դեպի Սիր-Դարյայի ու Ամու-Դարյայի վաճառաշահ քաղաքները տանող քարավանային առևտրի մայրուղիները։ Հետևաբար, սլատահական չէ, որ X դարի երկրորդ կեսի գանձերում հանդես են գալիս Աբբասյաններից անկախություն նվաճած առանձին ֆեոդալական տիրակալությունների, մասնավորապես, Բուվեհյանների ու Սամանյանների արծաթ դրամները։ Գանձը նշում է նաև Անդերաբի և Ադրբեջանի ամիրանների թողարկած դրամական միավորների շրջանառությունը։ Սակայն հիշյալ ամիրայական դրամները, որոնք թափանցել են Աղվանքի հարավ-արևելյան շրջանները (մասնավորապես Կասպից ծովի մերձակա վայրերը), բուն Հայաստանի հյուսիս-արևելյան կողմերում (Այրարատ, Շիրակ, Վանանդ, Սյունիք, Լոռի) լայն տարածում չեն ունեցել, ետևը պետք է ասել գանձում եղած Խոխարստանի քաղաքներում թողարկված դրամների վերաբերյալ։ Դրանք Հայաստանում հազվագյուտ են և նրանց շրջանառությունը X դարի հայկական շուկաներում տեական ընթացք չի ունեցել։ Ինչ վերաբերում է Իրանի հյուսիսային նահանգներում, մասնավորապես Ադրբեջանում թողարկված Սաջյանների ու նրանց հաջորդների, ինչպես նաև Սալարյանների դրամներին, ապա այդպիսիք ոչ միայն տարածման նշմարելի ընթացք են ունեցել Հայաստանում, այլև դրանցից շատերը հաճախ անգամ դրվագվել են հայկական քաղաքներում։

Այսպիսով, Անդրկովկասում հայտնաբերված, X դարին պատկանող դրամական գանձերի քննությունը ևս ցույց է տալիս, որ միջադպյին առևտրի շնորհիվ հայկական քաղաքներում լայն տարածում են ունեցել Մերձավոր Արևելքի տարբեր երկրներում թողարկված աբբասյան արծաթե դրամները։ Վերջիններիս հետ միասին Հայկական լեռնաշխարհի հյուսիս-արևելյան կողմերում շրջանառության մեջ են եղել Արևելյան խալիֆայությունից անկախություն նվաճած մի շարք նոր գինաստիանների, մասնավորապես Սաջյանների, նրանց հաջորդների և Սալարյանների թողարկած արծաթե դրամները, իսկ հարավ-արևմուտքում՝ Բուվեհյանների, Համդանյանների և Մրվանյանների դրամները, որոնք աբբասյան դիրհեմների հոծ զանգվածին խառնված, գործառական նշանակություն են ունեցել արտաքին ու ներքին առևտրում։

Դրամական շրջանառության տվյալները, մասնավորապես, Արմինիա նահանգի հայկական, վրացական և աղվանական շուկաներում տարածված դրամների ու դրամական գանձերի քննության արդյունքները ուրվագծում են Հայաստանի միջադպյին կապերի հետևյալ ուղղությունները VIII—X դդ.։

Ա. Հայաստանը կապված է եղել արաբական երկրների՝ Սիրիայի, Միջագետքի, Իրաքի և Միջերկրականի աֆրիկյան շուկաների հետ։ Այս ընդհանուր ուղղությունից Հայաստանում մասսայական տարածում են գտել Վասիտ, Դիմեշք, Կիննասերին, Մեդինատ աս-Սալամ, ալ-Քուֆա, ալ-Բասրա, Ռաս ալ-Այն, Մոսուլ, Նիսիբին, Հառուան, Աբբասիա և ուրիշ վաճառաշահ քաղաքներում դրվագված արծաթ դրամները։

Բ. Հայաստանը կապված է եղել նաև իրանական նահանգներ Ադրբեջանի, Ջերալի, Խուզիստանի և Ֆարսի ապրանքափոխանակության կենտրոնների հետ։ Այս վերջիններից հայկական շուկաներում տարածում են գտել ալ-Մուհամմեդիա (Ռեյ), Իսպահան, Համադան, ալ-Ահվազ, Շիրազ, Ռամ-Հորմուզդ և այլ քաղաքներում դրվագված արաբատառ արծաթ դրամները։

Առնչությունների իրանական ոլորտից Հայաստան են թափանցել նաև Բաբարստանի, Խորասանի (Նիսաբուր, Հերաթ, Բալխ, Մերվ) և Երբեմն Մավերաննահրի (Սամարքանդ, Բուխարա, աշ-Շաշ) քաղաքներում գրվագված արձաթեղի դրամները:

Արևելքի երկրների հետ Հայաստանի միջադպրոցային կապերի այս ուղղությունները դիտվում են առավելապես աբբասյան դրամների շրջանառության ներքին ոլորտի հետ կապված: Արևելյան խալիֆայության քայքայման ժամանակներում, չնայած ֆեոդալական հարաբերությունների դարգացման հետևանքով առաջացած նոր տիրակալությունների կողմից մասսայաբար թողարկվող արձաթ դրամներին, միջադպրոցային շուկայում առավելությունը շարունակում էր պատկանել աբբասյան դրամներին: IX—X դդ. հզորացած նոր դինաստիաների թողարկած դրամները չփոխեցին Հայաստանի դրամական տնտեսությանը բնորոշ վիճակը: Նրանք գրվագվում էին Աբբասյանների տիրակալության նախկին կենտրոններում և շրջանառության իրենց ընթացքով հաստատում են աբբասյան դրամների տվյալները Հայաստանի ապրանքադրամական կապերի հիմնական ուղղությունների մասին:

Ուշագրավ է, որ դրամագիտական տվյալներով ուրվագծվող Հայաստանի տնտեսական կապերի վերոհիշյալ ուղղությունների մասին հիշատակվում է նաև միջնադարի հայկական ուղեցույցներից մեկում³², Դվին քաղաքից դեպի օտար երկրներ գնացող քարավանային առևտրի ճանապարհների մասին խոսելիս մատենագիրը նշում է, որ Դվինից Հայաստանի հարավային շրջաններով քարավանները հասնում էին Իրաք և ապա Քուֆա և Բասրա քաղաքներով մտնում Պարսից ծոցի առափնյա շուկաները: Այդ նույն ուղեցույցի հաղորդմամբ քարավանները Հայաստանից անցնում էին նաև հարավ-արևմուտք, հասնում Մոսուլ, Դամասկոս, այնուհետև՝ Երուսաղեմ, իսկ Երուսաղեմից գնում էին Եգիպտոս ու դեպի «Անհայտ օվկիանոս»³³: Արևելյան ուղղությամբ հիշատակվում է Դվին—Պարտավ—Կասպից ծով ճանապարհը: Հյուսիսային ուղղությամբ քարավանները Դվինից մեկնում էին Թիֆլիս և ապա՝ Սև ծովի շրջանները:

Բրաբում, Միջագետքում և Իրանում IX—X դդ. պատրաստված խեցեղեն առարկաների՝ Հայաստանում հայտնաբերված նմուշները նույնպես հաստատում են դրամագիտական նյութերի ցուցմունքները³⁴: Հայաստանում ապրանքային արտադրության դարգացման IX—X դդ. վիճակի մասին են վկայում Անի և Դվին քաղաքների պեղումներից ի հայտ եկած հարուստ նյութերը: Հայկական ծագում ունեցող ապրանքների մասին հիացմունքով են ակնարկում արաբ մատենագիրները, մասնավորապես սլ-Իսթախրին³⁵, Իբն Հաու-

³² «Գիրք աշխարհաց և առասպելարանութեանց, որ է Աղուէսագիրք, Յամսիկոտամում, ի թուոյ փրկչին 1668, էջ 65—69: Դ. Ա. Ի. Ղա. Այրաբատ, Վենետիկ, 1890, էջ 143:

³³ Նույն տեղում, էջ 69:

³⁴ Б. Шелковников, Керамика и стекло из раскопок Двина, «Աշխատություններ Հայաստանի պետական պատմական թանգարանի», հատ. IV, Երևան, 1952, էջ 110—111:

³⁵ Ал-Истахрий. Из книги путей и царств. Перевод с арабского И. Караулова. «Сборник материалов для описания местностей и племен Кавказа», вып. XXIX, Тифлис, 1901, էջ 19, 21, 51:

կալը³⁶, ալ-Մուկադասին³⁷ և X դարի սլարսիկ անանուն մի աշխարհագիր, «ալ-Ալամ» գրքի հեղինակը³⁸։ Միջազգային շուկայում լայն ճանաչում էին գտել հայկական դորգերը, բարձերը, ծածկոցները և հատկապես հայկական «որդան կարմիր» ներկը։ Կարելի է վկայակոչել հայկական ծագում ունեցող ոսկե, արծաթե առարկաներ, զարդարանքներ և արհեստագործության տարբեր արտադրանքներ, որոնք միջազգային առևտրով դուրս էին բերվել Հայաստանից և տարվել օտար երկրների։ Քիչ չեն նաև պատմական վկայություններն օտար երկրներից Հայաստան բերված ապրանքների մասին։ Այդ ամենը լրացնում ու հաստատում է դրամական գանձերի ընձեռած տվյալները։

Բացի խալիֆայության երկրներից, ուր դրամները թողարկվել և ընդունվել են արաբական կշռային սիստեմի սկզբունքներով, Եվրոպայում գտնված դրամական գանձերը ևս որոշակիորեն ցույց են տալիս միջազգային առևտրի ոլորտում արևելյան երկրների, այդ թվում Հայաստանի կապը Արևմուտքի հետ։ Ապրանքային արտադրության զարգացման հետ կապված, Մերձավոր ու Միջին Արևելքի երկրներից արծաթե դրամները մասսայական հոսանքով անցնում էին Եվրոպայի արևելյան և հյուսիսային շրջանները։ Դրանք արաբական խալիֆայության ժամանակներում թողարկված օմայան և աբբասյան դիրհեմներն էին, որոնց միջազգային առևտուրը դուրս էր բերում շրջանառության ներքին ոլորտից և տարբեր ուղղություններով մղում եվրոպական երկրները։ Օմայան ու աբբասյան արծաթե դրամներից բացի այդ հոսանքին հետագայում խառնվեցին նաև խալիֆայության հսկայական տարածքի վրա առաջացած արևելյան տարբեր ամիրայությունների՝ Սաֆֆարյանների, Զիարյանների, Սամանյանների, Սաջյանների, Սալլարյանների, Բուվեհյանների, Համդանյանների, Մրվանյանների և այլոց դրամները։ Շուրջ 200 տարի (800—1025) արծաթե դրամների՝ արևելքից արևմուտք անցնող այդ հոսանքի հետ Եվրոպայի արևելյան ու հյուսիսային շրջաններն էին անցնում նաև Հայաստանում և Աղվանքում թողարկված արծաթե դրամները։ Միջազգային շուկայում գործառական նշանակություն ունեին առավելապես արծաթե դրամները, ոսկին այդ ժամանակներում համեմատաբար քիչ էր հանգես գալիս։ Հայաստանում և Աղվանքում թողարկված արաբատառ արծաթ դրամների բաղադրիչ օրինակներ են հայտնաբերվել եվրոպական գանձերի կազմում։ Դրանք ի հայտ են եկել ոչ միայն կենտրոնական Ռուսաստանում, այլև մերձբալթյան երկրներում, Ֆինլանդիայում, Շվեդիայում, Լեհաստանում, Գոտլանդ կղզում, Դանիայում, Գերմանիայի ծովամերձ շրջաններում և այլուր։ Քննությունները ցույց են տվել, որ գերմանական ու սլավոնական շրջաններում հայտնաբերված IX—X դդ. գանձերի մեջ հաճախ են գտնվել Արմինիա, Առոան, Երբեմն նույնիսկ Մաադեն Բաջունայս, Հարունիա, Հարունաբադ, ալ-Բաբ,

³⁶ H b n-X a y k a l ь, Из книги путев и царств. Перевод с арабского Н. А. Караулова. «Сборник материалов для описания местностей и племен Кавказа», вып. XXXVIII, Тифлис, 1908, էջ 92—95։

³⁷ A л-М у к а д д а с и й, Из книги «Лучшее из делений для познания климатов». Перевод с арабского Н. А. Караулова. «Сборник материалов для описания местностей и племен Кавказа», вып. XXXVIII, Тифлис, 1908, էջ 9—10։

³⁸ H u d u d a l-A l a m, The Regions of the World. A persian geography 372 a. h.—982 a. d. Transl. and explained by V. V. Barthold, London, 1937, էջ 142—145։

Դեբիլ, Թիֆլիս, Նիսիբին փողերանոցների արաբատառ անունների հիշատակությամբ արձաթ դրամները:

Միջադպրոցի առևտուրն արաբատառ արձաթ դրամները շրջանառության ընդհանուր հոսանքով Եվրոպա էր տանում երեք հիմնական ուղղություններով: Դրանցից առաջինը սկսվում էր Իրաքից, Սիրիայից ու Միջագետքից, ձգվում դեպի Հայաստան և Աղվանքի վրայով ու Կասպից ծովով անցնում հյուսիս՝ Վոլգայի ավազանը: Մերձվոլգյան շրջաններում այդ հոսանքը բաժանվում էր երկու ճյուղի, որոնցից մեկը ուղղվում էր դեպի մերձբալթյան երկրներ ու Գոտլանդի վրայով հասնում Սկանդինավիա, իսկ մյուսը թեքվում էր Արևմուտք և Դնեպր-Վիսլա սիստեմով մտնում առևտրի սլավոնա-գերմանական շուկաները: Երկրորդ հոսանքը զալիս էր Իրանի տարբեր մարզերից և ձգվում դեպի Դերբենդ (ալ-Բաբ) ու Կասպից ծովից Վոլգայով անցնում Դոնի ավազանը, այսինքն՝ Մերձդնեպրյան շրջանը և շարունակում ընթանալ դեպի հյուսիս: Երրորդ ուղղությամբ արաբական դրամները Իրանի հարավային երկրամասերից, Հայաստանից ու Միջագետքից ձգվում էին դեպի Փոքր Ասիա և Սև ծովի վրայով մտնում Դնեպրի ավազանը, ուր միանում էին առաջին և երկրորդ հոսանքներին: Սակայն բացառված չէ, որ առանձին դեպքերում հայկական քաղաքներում թողարկված արձաթե դրամները կարող էին անցնել Մերձվոլգյան ու Մերձդնեպրյան շրջանները և այնուհետև թափանցել Եվրոպայի հյուսիս-արևելյան երկրամասերը տնտեսական կապերի անմիջական ընթացքով: Հայ վաճառականներին հայտնի էին Վոլգայով դեպի Խաղառական թաղավորությունը տանող ճանապարհները³⁹: Դեռևս IX դարի կեսերին արաբներից հալածված հայերը օգնության նպատակով դիմել էին խաղաղների և Վոլգայի բուլղարներին⁴⁰: Մերձվոլգյան շրջանների հետ Հայաստանի ունեցած տնտեսական առնչությունների մասին հիշատակում է X դարի արաբ ճանապարհորդ Իբն-Ֆադլանը: Նա հաղորդում է, որ Վոլգայի բուլղարական թաղավորի պալատը դարդարված է եղել հայկական ծագում ունեցող գորգերով⁴¹: Հնագիտական պեղումները ցույց տվեցին, որ Մերձվոլգյան շրջաններում X դարում գոյություն են ունեցել հայկական գաղթավայրեր⁴², որոնց մասին պահպանվել են նաև մատենագրական հիշատակություններ⁴³: Հայկական հուշարձաններ են հայտնաբերվել ոչ միայն Բուլղար քաղաքում, այլև Վոլգայի ավազանի շատ ուրիշ վայրերում⁴⁴: Բուլղարի հայկական գաղութի միջնաբերդից գտնված դարդարանքի ու գործվածքի մնացորդները կապվում

³⁹ С. Т. Еремян. Армения, армянское купечество и развитие торговли между Европой и Азией до XIX в., М., 1970, т. 10—11; М. Бережков, О торговле Руси с Ганзой до конца XIV в., СПб., 1879, т. 18:

⁴⁰ В. В. Бартольд, Арабские известия о русах, «Советское востоковедение», М.—Л., 1940, I, т. 18:

⁴¹ «Путешествие Ибн-Фадлана на Волгу». Перевод Ковалевского, под редакцией Н. Ю. Крачковского, М.—Л., 1939, т. 73:

⁴² А. П. Смирнов, Волжские болгары, «Труды Государственного исторического музея», вып. 19, М., 1951, т. 256:

⁴³ Л. Мелликсет-Бек, Древняя Русь и Армения, «ՀՍՍՀ ԳԱ Մամուլի և գրականության նախարարության հրատարակած ժողովածու», Երևան, 1946, т. 137—142:

⁴⁴ Б. В. Миллер, Об армянских надписях в Болгарах и Казани, «Известия Российской Академии института материальной культуры», т. IV, Л., 1925, т. 66—60:

են Դվինի պեղումներից ի հայտ եկած նյութերի հետ⁴⁵։ Վոլգայի բուլղարական շրջանների միջով էին անցնում տարանցիկ առևտրի այն գլխավոր ուղիները, որոնք սլավոնական շուկաները կապում էին Արևելքի հետ⁴⁶։ Այդ ճանապարհներով վարգացող առևտրում գործոն դեր է խաղացել հայ վաճառականությունը և պատահական չէ, որ Իրանից ու Հայաստանից դեպի Կասպից ծով և ապա մերձվոլգյան շրջաններով մինչև Սպիտակ ծով հասնող քարավանային առևտրի ճանապարհը XI դարի վերջից հայտնի է եղել «Մեծ հայկական ճանապարհ» անունով⁴⁷։ Հայտնաբերված դրամական գանձերը նշում են կապերի այդ ուղղությունները։

Հարց է առաջ գալիս, թե ե՞րբ էր սկսվել արաբատառ դրամների հոսանքը դեպի Եվրոպա։ Քննությունները ցույց են տալիս, որ օմայյան և աբբասյան արծաթ դրամները Եվրոպայի սլավոնական և գերմանական շուկաներում երկվացել են ոչ շուտ, քան VIII դարի վերջին կամ IX դարի առաջին տարիներին⁴⁸։ Հետագայում արևելյան արծաթ դրամների հոսանքը դեպի Եվրոպա դիտվում է մի քանի ելևէջներով և սպառվում է XI դարի առաջին տարիներին⁴⁹։ Արծաթի սղությունը, որ ծայր էր առել Միջին Ասիայում և այնուհետև տարածվել մի շարք արևելյան երկրներում (մասնավորապես Իրանի, Իրաքի, Սիրիայի, Հայաստանի և հարևան երկրների արծաթագործության մեջ), չէր կարող չարտացոլվել միջազգային ապրանքադրամական հարաբերություններում։ Արևելքում արծաթի այսպես կոչված «ճգնաժամի» հարցը քննության ենթակա առանձին խնդիր է։

КЛАДЫ ВОСТОЧНЫХ МОНЕТ И ОСНОВНЫЕ НАПРАВЛЕНИЯ ЭКОНОМИЧЕСКИХ СВЯЗЕЙ АРМЕНИИ В VIII—X ВЕКАХ

Доктор историч. наук Х. А. МУШЕГЯН

(Резюме)

Изучение состава куфических монетных кладов VIII—X вв. позволяет судить об основных направлениях товаро-денежных связей Армении рассматриваемого периода. Так, выясняется, что ведущие экономические центры Армении имели непосредственные связи с городами Кавказской Албании. Об этом свидетельствуют находки в Армении медных куфических монет, выпущенных в Арране, в городах Берда'а и ал-Назидия. Кроме того, существовали связи Армении с различными областями Арабского халифата, на что указывают омайядские и особенно

⁴⁵ А. П. Смирнов, Армянская колония в г. Болгары. Тезисы доклада, прочитанного на конференции по археологии Кавказа в Ереване. 25 октября 1956 г.

⁴⁶ В. Л. Янин, Нумизматика и проблемы товаро-денежного обращения в Древней Руси, «Вопросы истории», 1955, № 8, էջ 137։

⁴⁷ Л. М. Меликсет-Бек, նշվ. աշխ., էջ 137—142; С. Т. Еремян, նշվ. աշխ., էջ 10։

⁴⁸ Р. Р. Фасмер, Завалишинский клад куфических монет VIII—X вв., «Известия ГИИМК», т. VI, вып. II, Л., 1931, էջ 12—13։

⁴⁹ В. Л. Янин, Денежно-весовые системы домонгольской Руси. (Автореферат диссертации), М., 1954, էջ 7։

аббасидские серебряные монеты. Последние имели массовое распространение в Армении. Наиболее часто встречаются дирхемы, чеканенные в городах Сирии, Ирака и, изредка, северных берегов Африки (Димешк, Киннесрин, Васит, Мединат ас-Салам, ал-Куфа, ал-Басра, ал-Аббасия и др.). Нумизматический материал одновременно отражает связи Армении с иранскими областями — Азербайджаном, Джебалом, Хузистаном, Фарсом, Хорасаном и др.

На армянских рынках обращались куфические дирхемы различных городов Ирана (ал-Мухаммедия, Исфахан, Нишапур, ал-Ахваз, Шираз, Балх, Самарканд и др.). Международные связи Армении с арабскими и иранскими областями наиболее ярко показывает сфера обращения аббасидских дирхемов, имевших в то время широкое распространение на мировом рынке. Данные монетных кладов говорят о проникновении в IX—X вв. куфических дирхемов из городов Армении и Аррана на рынки восточнославянского мира, а через последний — в северо-восточные края Западной Европы.